

四庫全書

史部

欽定四庫全書

史部

欽定熱河志卷

九
十一

詳校官編修

臣曹城

檢討

臣德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷九

天章九

御製詩

關外 辛卯

關外田羸關內佳連朝馬上看來皆低雖經潦消原易
高自如雲茂正排茅舍地頭還種韭瓜籬牆角更堆柴
覬斯生計較彼可將曰紓懷轉繯懷

北來

日向北來日減愁
黍風禾露茂迎眸
已知下隰未成滂
更喜高原可卜秋
圖近忘遐誰則免
小佳差勝意堪留
愛斯每為遲行轡
計里何須問野郵

題枕柳木盃

舊物山莊典守存

當年敬仰

樸淳敦屏開有似孔雀尾
鞭贅又如慈竹根
古月猶攜南

海影清溪常汲塞垣原圓方了喻為君道何莫

神堯遺訓恩

即事

崇山峻嶺試遊娛高下巖城繞作郭單騎緣林常遇鹿
扁舟漾沼不驚鳬閒聽颯筑蒼松泛坐愛葺茵細草鋪
與木石居似之矣沛然聞善信能乎

熱

出口覺涼爽山莊候轉更單衣仍盛熱十日為

去聲連晴

渚際紛鷗浴林中遲鹿鳴

鹿涼始鳴熱則遲
弗相關故無聲

秋炎未可

少火迫晚田成

峯陰

人有時而息日無刻以往試看碧峯陰荏苒向前佈

新月

秋月雖過孟却是愁中度

七月初秋霖過多各河漲盛
永定北運隄岸俱有漫口低

田不免被潦且潮白諸河南以刈
期成橋樁程十日對之頗為煩懣

仲已較孟佳况值忘

愁處漫擬一鉤窄寧非全體露懸宇流寒光映林盪幽

趣玉兔豈有翼試看飛不住

即景

一峯陰靄一峯晴晴即炎隨陰爽迎映水岸旁人倒立
卧山坡上樹橫生霜遲林葉連空翠露下湖波徹底清
攬鏡乍看增白髮不忘

聖祖弄孫情

微雨

八月初九日

快晴將廿日微雨灑中秋入夕山容隱隨風窓響留禽

眠寒覺穩鹿呌遠聽悠別有愜懷處韭菰綠潤疇

中秋夕即景

塞天寥廓淨纖雯尺五廣寒桂馥聞勝地雲山真地表

雲山勝地為三十六景之一每歲度中秋於此

中秋風月正秋分

是日恰值秋分

光流

銀漢澄無滓輪掛錘峯迥出羣雅愛鹿鳴和

去聲

絃管隔

年清賞越堪欣

去聲以六旬大典於京中度節

山村

山村野墅望相連微幸登秋值有年納稼每看多積圃

餘糧未盡尚棲田河東移粟稍資益

今秋近畿被水州縣低田不免歉收

而閩外豐稔倍常益歲充裕因令楊廷璋諭其販運入口售糶內地既接濟有資而邊民亦不虞敷賤自為兩

得

潞地雇民劇可憐飢已難堪寒即至欣茲忘彼豈宜

然

暖

山莊秋仲寒已峭季月木蘭氣轉溫細毳清晨渾不冷
薄綿卓午尚嫌暄翻風綠葉雜紅葉晃日霜原作露原
最是草肥宜牧馬諸藩執役喜同存

雨

九月初五日

通日異常暖情知蒸雨霏度林捲霧帳拂巘鎖煙扉
旃屋湔塵潤棉衣變冷微所欣園罷後

是日自晨作陰園罷後始雨

即

景紫毫揮

重九日作

何處登高好興安天與鄰心懷同廓落眼底俯嶙峋地

淨山如水氣暄秋似春重陽宜宴賞況有遠徠人

是日黃幕

賜食土爾虎
特亦命入座

關外壬辰

關裏收麥已將畢關外麥苗雲始黃大幹所限氣候異
南界遞暖北界涼例此田功當漸遲却見黍穗吐山岡
似又早於關以裏農經端委殊難詳或云一種早穗者
往往秀實先於常徒言格物豈易格對時課稼惟勤獲
熱

連日趁爽行駐蹕午微熱今朝莅山莊午熱勢頗烈對
時暑方盛炎鬱實應節經重況至止如歸邸舍列林軒

更虜豁納涼水簾潔而我有弗怡所慮蒸雨瞥

大安猶在道坦行斯

豫悅不雨乃益往農功固無缺

雨

西北生雲陣雨來祇片時爽涼頓披矣歎燠淨湔之既
渥復既霈一欣還一思驅炎適可耳究以霽為宜

晴

夜雨繼以曉已脾乃放晴寧惟資稼潤喜益利

輿程雲散天光淨風來夏爽迎山谿未致淨便與逐佳行

題錢維城山水花卉冊

水軒松吹

侍臣舊作得隨鑾取暇題吟七字安

錢維城南歸已數月其向年隨鑾所

畫冊頗有存貯山莊者因暇題之不異其索管庵行也

水閣恰如月湖上

山莊內有半月

湖松風翻壁落高寒

遠浦潮來

海門銀線白生纔睫眼雪山推送來却憶鹽官鎮海寺

目遊我亦一登臺

虛檻清陰

樹下開軒不碍虛清陰
團幕蓋張如嵇舍此趣何曾曉
挂漏當年草木書

曲港垂罾

陰陰灌木覆魚菴
鎮日垂罾對碧潭
魚得亦佳弗亦可
愛他鱗影月波涵

柳汀鴉陣

百折沙汀萬柳烟
柳陰曬網繫漁船
棲鴉未穩羣驚起
飛向夕陽河那邊

雲峯初霽

樹角風聲漸吹疾
峯腰雲影欲歸遲
前朝宿雨初收際
颯景宜人固若斯

翠微秋意

葉落連林祇剩枝
惟餘松栢護峯姿
山莊也自尋常看
寫入畫圖故合詩

扁舟釣雪

雪滿平江簑笠披扁舟天地一竿絲南方或可北方否

此事吾惟半信疑

魚至霜降後即不食安得上餌縱南方候暖而魚性則同然則寒江簑笠

不過宗元想像成詩非必真有釣雪事即有之意固不在魚耳向題畫亦曾辨論及之

右撫古八種

杏花

施朱梨朶欠香梅二月春光澹蕩開設使三分添却白
誰人不道貌姑來

丁香

底須香與瑞香猜
半度能斯伯仲哉
任是靈心工百結
東風一度也教開

紫躑躅

花開殷七訝稱神
閬苑根歸誕或真
却是微之饒逸趣
山空月午句清新

紅梨花

軟紅淺白感為鬟
韻自超超態自嫻
試看一枝夢雲意

小庭何處不平山

繡毬

雖是雕毬却圓圖江南曾見幾番春
若將結繡評詩格
小杜原非自詡人

貼梗海棠

不稱西府不垂絲姚冶行中頗自持
貼梗羞同他嫩娜
秋來結得木瓜貽

扁荳花

芻棚花落欲涼生
索索秋風絡緯鳴
姹紫嫣紅他閱世
雲閒天淡此闌情

天棘

五岳都生名不同
蔓垂翠綠朶標紅
漫嫌未入羣花譜
却有延年濟世功

虞美人

無色聲中那見聞
筆談漫志辨徒紛
依然小草全提占
去月下風前自淨芬

金雀

頭翅天然金鑄黃
宜垂鬘葉鬢釵傍
贈他日暮修竹侍
珠翠翻嬾時世裝

魚兒牡丹

花王自合有花妃
况是形容具體微
設更貫魚觀易象
玩辭亦可識其機

蒲公英

葉和花色都如菊
三四月間田野稠
底事柴桑渾弗愛

開春祇為

去聲不開秋

秋葵

秋來葵朵無央數
各各傾心向太陽
豈識太陽弗私照
隨他高下自分光

藍菊

瓣萼藍黃賦色勻
秋風一度一番新
冒名菊譜雖容得
法眼難瞞栗里人

鐵綿蓮

種自西方一線分訝曾拈起悟聲聞白華却是心如鐵
不解其他祇淨芬

僧帽菊

何處高僧渡杯去留將落帽孟嘉風展圖正與高峯對

山莊南有
僧帽峯

孰幻孰真孰異同

右花卉十六種

雨

六月初
七日

過午特炎蒸情知當有雨西南升族雲氣應西北宇列

缺施其鞭豐隆擊其鼓須臾落雨脚白水積砌礎歎熱
驅以淨涼爽拂檐栢闕外頗望霖此實利禾黍麥却未
收畢即晴兩得所

山中

曉霽谷涼浮山中試一遊樹深禽語細土軟鹿蹤留雲
向天邊斂泉從石罅流都稱景如畫畫可以茲不

疎雨

疎雨時零時便止深山亦爽亦微炎幽清帶露花枝馥

活潤翻風樹葉纖素宇已開橫嶺外白雲猶戀遠峰尖
晚晴圖復漾烟舫愛景乘涼意並兼

即景

熱便蒸為雨雨過頓爽涼雖如太無定却是具真常每
愛樹陰憩輒聞花露香天機隨物景順應有詩償

雨

六月十四日

間去聲雨為時都不久此番入夜雨方長山田信可稱優

渥寢閣真欣納爽涼露滴松梢聞颯沓烟連峯脚想迷

茫隔牆忽聽鳴呦鹿避濕應從深樾藏

曉晴

即便為霖時正行曉來却喜塞天晴雲從西北東南捲

景助山林水石清向浦開舟荷益燦傍巖尋逕露猶晶

牝麀領子出蒼巘

鹿於五月中生子入六月即能逐母馳驟

學步卒然認客

生

晚晴落照

西北風來散晚陰下春落照晃林岑峯西明霽峯東暗

葉面綠瓊葉背金芳草留蹤下飲鹿

鹿白日隱山中每
晚下來飲水其性

也密枝閃影亂歸禽宜暘宜雨真如願未至秋收未敢謀

閼隄

武列

熱河本固爾呼河三源匯流考之水經注即所
謂武列水遼山莊東北行南流入於濼詳見向所

作熱
河考

帶山莊建隄

聖慮長有時經泛溢昨歲致懷襄衝嚙須當補堅牢永保
康依然為閭里所以奠耕桑策馬閱工藏遵途厪念詳
牧民惟我責絜矩慎三防

雨六月廿二日

昨晚陣雨飛徹夜廣纖繼侵晨乃大作傍午漸開霽曰
暘實若時曰雨非既脩設以目前論誠謂如人意麥秋
收已訖大田蔚長際優渥有若斯兢業慶

天惠更每閱京報知同此一致

夜雨

六月廿五日

邇日間

去聲

疎雨既雨旋亦晴今夜作解需簷溜聽盆傾

時行正當令優渥殊暢情須臾枕簟間颯然峭涼生遙

想彼山田怒長禾黍莖此後祝時若庶可冀秋成

朝晴

四更山吐月開晴閱稼乘驄朝爽迎寧獨安居玩佳景
所無逸是我恒情

驟雨

六月廿八日

日日傍晚時西南必雲吐豐隆催雨來落脚彌空宇橫
排復豎擎摩醯那能數澤實霑大田涼益湔煩暑為時
亦弗久雲散迷處所孟秋即漸臨繼此多晴好

叶

七月朔日作

山莊駐一月令歲消半年流陰迅如此分惜徒云然塞苑早晚涼午暄退亦遙而況喬樹下風來爽易延

高齡適清和

康強益豐顏

顧謂例始茲歡欣奉拳拳

節雖遲立秋朔已臨秋月避暑暑易避况值金行發邇來晴雨時今日益開豁西城庶可望虔求刻敢忽追憶

去歲况憂農心未歇金樓縱有言傳訛驗斯悖

金樓子云孟秋

月旦雨俄而便晴有言月額雨為旱徵云云昨歲七月朔日雨遂至連日霖霖其占驗殊不足信今年六月杪數日傍晚皆有陣雨至朔旦乃大晴準以常理宜徵時若

雨

七月初四日

秋月逾三日均晴協農占昨宵塞雨飛侵曉猶廉纖纖
空幻烟羅度林疑朝嵐早植及晚種一例優澤霑既霑
晴斯佳望歲心難恬西北眺遠宇雲斂青山尖

宛轉詞

宛宛轉轉石澗流三三兩兩野塘鷗颯颯灑灑惟新秋
遙遙切切軍務籌

雨

五月初五日

昨夜復細雨平明弗放晴今歲未作霖候況值時行然
總非滂沱疎聽霏微聲既無碍行旅更益利農耕即以
此應去聲候幸何如之情過午秋雲徂喜看秋陽晶

七夕詠事

巧固不須乞筵斯隨處呈有無於此事今古致多評天

上猶餘憾人間那免情絳河瞻益近疑聽步橋聲

山行

山行最是曉行宜谷口朝嵐逐步披露草香無烟火氣
風花秀有瓊瑤姿東岡日隔騰騰上西嶺陰消漸漸垂
詎祇人心具平旦由來造物本如斯

立秋日作

七月初九日

已識山中早晚涼今朝況復立秋當如何午熱為孤注
疑是金官讓未光桐葉庭邊想影落

山莊諸樹皆有惟無桐竹草虫

砌下覺聲揚農占晴雨紛如訟歷驗原來亦鮮償

或稱立秋

日雨則秋月雨少謂之秋吊立秋日不雨則秋雨反多謂之秋後或稱立秋前三日雨謂之騎秋主歲豐又謂立秋日雨不止必至秋霖又有謂立秋日雨而晴為上歲然歷試之率皆不驗

山行遇雨

昨夜忽蒸炎識為釀雨意朝來灑細靈半時旋開霽涼風拂樹稍超爽聊遊出西南雲復吐片刻挾雨至情知弗致久喬林下堪避岩風吹雨過雲散青天翠秋田待熱候宜暢實稱

去聲

意稱意則易驕即慰以為惓

秋光

春光麗艷冶夏光炎赫煌冬光實寂寞最好惟秋光青
天淨寥泚白日縣清揚弗寒却弗熱非短亦非長照池
波已澄拂林葉未蒼孟子稱皜皜不可尚誰方而功特
著者萬寶暄登穰秋光無比佳况此逢山莊

雨
七月十四日

今年總未逢霖雨是日滔滔勢覺長始遇情知不為害
求全又致意徬徨

中元夕放河燈卽事有作

終日盼天晴亦無疎雨行詎寧塵節事惟切較農情既
美更求善少欣多致忤秋雲韜月魄蓮炬益光明

喜晴

昨夜雖無雨今晨似作霖彌空雲浩浩藏嶺霧沈沈澤
渥斯憂過農登實未諶午晴豁碧宇慰矣倍生欽

濬溪

塞溪流無定過雨卽泥淤小淤惟致淺大淤遂成途淺

或可姑息塗必資濬疎成塗則有因率以歲久需茲不
宜復緩浚深一律如力役本無征出值僱入夫合衆事
鉏耨剗削沙石鋪亦藉濟貧者得錢都歡娛工作十餘
日原為半月湖半月湖
舊有詩靜影受風月樂意同鳶魚雖然
永逸艱數年當一圖

夜雨

七月廿
一日

晴光不定隱斜暉入夜雨聲枕上聞原是無眠問軍報
那堪增厭聽紛紛

喜晴

過日雨來頗覺稠幸皆夜落曉晴投固知弗礙何妨爾
祇為求全輒切愁西北風吹碧空淨東南雲斂翠涼浮
苟其患失無不至自審斯言能免不

八月朔日作

朔旦入中秋曉晴爽氣浮三農盼築圃七萃秣行騶出
獵將發軔來朝聚脫甌昨宵霏細雨餘熱洗全收

新月

但是中秋月一鉤已足佳纖纖挂星漢款款隔松釵欲
朗光猶嫩未團輪自偕晚涼依樓角耐可入人懷

即目

天寶由來稱物華山莊即目總清嘉異逢八月同六月
紅看荷花黃桂花荻岸漲消全露石楓林嵐吐半拖霞
曉涼午熱權衡妙大迫西成祝滿車

驟雨

八月初十日

快晴逾十日驟雨落千山
睫眼迷銀竹迎人豎玉灣勢

雄林木偃聲壯澗波潺片刻雲收脚滌然靜且閒

晚晴

雲斂東南去風從西北生
盡湔午時熱都喜仲秋晴
蒼茱蔚曾潤林泉颯益清
玉蟾欣巧讓燭宇倍晶明

中秋節即景

桃節繞過底節連

璇闥福壽慶長綿共欣穹宇中秋月常近塞垣尺五天蟾
影巧看雲影避桂華初放露華鮮
潁川七字吟即景強

怒笑予或未然

雨

八月廿一日

經過聲必逢雨真神海喇堪

蒙古語謂山有靈應者曰海喇堪

稱名誰

則敢示蹟所恒諳彌谷烟低重迴峯日上含須臾斂雲

脚瀑水落層巖

即事

崇山真博大四日歷周過夜雨朝晴每

是數日或晚或夜必有陣雨而

晝日晴朗

奇靈顯應多無妨驅騎獵有暇把毫戢獨盼

弗礙行圍

郵章劇軍情近若何

九月朔日作

是日雨

圍數過多半

今歲定圍場數為十五已獵十圍矣

山容入九秋減期圖返

速

近歲每減圍期圖速返山莊問安

臨樂戒淹留萬嶂低雲重千林

落雨稠羶廬聽珮沓敲句興偏悠

日影

去際纔階礎歸來上牖櫺了知還有漸誰曰視無形閒倚明而暖微吟憩以寧光陰迅如此陶侃論堪聽

遣興

遣興閒翻史
謝安曾有言
向年渾不覺
近歲每斯存
絲竹那陶寫
山川自吐吞
却看風過樹
葉落亦歸根

欽定熱河志卷九

欽定四庫全書

欽定熱河志卷十

天章十

御製詩

口外 癸巳

口外山田好例羸口內多巒高饒露氣谷廓洩溪河黃
淡未收麥綠濃正茂禾西成候猶遠奢望戒言過

熱

大嶺界南北南暄北實涼千古理不易然斯言其常今
朝出古北午熱勝炎暘轉覺酷闕內茲理殊難詳尋思
亦有由時方九夏長昨近關內雨巖颼爽自償雨晴曝
烈曦致歎候所當初非涼與暄倒施南北方試問後行
者熱應較此強却喜駐蹕早人息馬卸繯行宮更深靜
延爽味縹緗南榮來薰風解阜懷明良

夜雨

五月十三日

左近山田旱勤農望澤憂巖齋欹枕聽夜雨落簷流頻

覺牕寒颯全欣塞暑收明朝行閱稼轉見綠如油

晴

好雨連昨夜快晴欣午前徂雲千里淨酷熱一時湔翠
色濯明樹清聲助暗泉心閒那閒得軍報問金川

恭題

皇祖御用韞

有序

我朝

家法相承肄勤尚射

皇祖神勇天錫臨御六十一年秋獮冬狩之典歲必舉行

往往

親御威弧殪禽服猛鏢乎偉哉余髫年蒙被

恩眷養育宮中幸得隨侍木蘭

行圍仰瞻

聖武追念

祖德迄今弗敢忘茲恭閱舊歲

御用韞十有二或草或角規制樸堅撫思鈎弦聞體之精

想見

壹發參連之妙夫書策手澤所存尚且守而弗斲矧為法
先詔後之良模勵繼繩而彰赫濯其寶重更當何如敬合
弄篋衍什襲用珍并系長言以識永久今和闐歲
貢嘉玉中韞材者不一而足雖琛賁徠遐瑞符延
喜詎若此

觀德示儉之昭垂萬世哉

千秋

家法傳孤射

手澤猶存韞棄今卅歲略瞻

神武蹟永年惟勵繼繩心皮規角釘真敦樸土帳葛燈敢

不欽慚愧和闌材易致夥哉相去

聲指琢瑶琳

夜雨

五月十六日

夜雨廉纖曉未晴空烟如織眄南榮高田左近旱微覺

前澤繼斯霑乃并略慮地寒麥方熱

關外地氣稍寒祇宜春麥而節候亦

較口內略遲此時甫屆黃熟雨多恐減收成若即晴却霽仍屬無礙至大田黍秫初茁此雨實及時膏澍耳

欣膏被黍初生明當西嶺

鳳興度渥矣其暘為繾情

喜晴

傍午膩雲散寥天朗日光山容濯濕翠人意切浮涼無
礙麥收穗深滋禾茁秧閒情一以釋點筆喜宜暘

山行遇雨之作

梵寺瞻禮將言旋四山忽作大雲起是中真復有因緣
法雨霏空天龍喜配藜滂沛溝壑盈摩醯首羅數難紀

荀輿油繖磴道盤千林珠玉紛披裏衛士跋涉泥濘途
行賞旌勞例有耳憶予昔歲行秋蒐馬射驟霖弗為止
今朝安坐歸園中寧曰度人心以已由來時事或弗同
鮮嘲聊復長歌比較十年前真愧矣

雨

五月二十一日

昨日雨連夜今朝晚尚霖幸消愁旱慮便有望晴心寧

為去聲遊山阻恐防收麥淋

是雨雖有益大田禾黍更資
芑勃惟闕外麥熟較遲時正

當收穫晴更相宜心
切籌農難期魚善也

浪浪聲不止欹枕悶難禁

晴

曉雲散以淨塞宇迴而澄麥穗喜無礙黍苗勃有興日
臨花韻遞風過樹涼增敢曰幸時若致斯誠底能

熱

渥雨既優霑驕陽復騰照高低莫不溽蒸熱有必效誰
云避暑處醒暑翻增暴益因人烟輳問閭益增鬧風氣
自轉暄豈仍昔塞徼墾闢况滋多禾黍偏阪嶠炎潤胥
資藉助長西成報此熱寧可少心靜欣農要

復雨

五月晦日

連旬晴朗太炎蒸昨晚驟霖氣已澄徹夜濃陰未飛灑
詰晨復雨遂頻仍細霏急霪無非妙巒靄林烟總絕勝
我獨慰心在禾黍及時暄潤助苗興

六月朔日六韻

昨日雨連夜侵晨急陣催情知作霖矣那即望晴哉空
靈速晨細山雲傍午摧若暘所希外颯爽稱懷來况是

月初吉

俗占月朔喜晴則一月雨水調勻金樓子月顓
雨為旱徵之說連歲試之殊不足信茲五月晦

日自前宵雨達旦入夜復雨侵晨益急
疑有成霖之象幸過午開晴聊因慶慰
真宜時霽開三
農庶冀稔益敬敢徘徊

復雨

六月初二日

昨霽茲復雨或零或亦停明知時行候未可即望晴既
霑虞過甚不免意怵怵山田尚無妨遙念繢京城邇年
經事多先事輒憂驚躁心動難捐綽度每弗能傍晚西
北風油雲散以輕入夕倚楹瞻碧天點疎星晴定乃大
佳仍因心靡寧

偶為三友圖並題以句

寒山古歲弗計歲雪梅風竹斯無有興來走筆寫大夫
高士君子可缺否雖然轉語亦可言既松梅竹定為偶
蒼髯玉貌與勁節何處忘年不三友莫謂畫地本非真
真物誰能似畫久

喜晴

六月初
四日

昨朝陰雨乃旦日時雖細灑非驟施今曉開霽歷卓午
庶其定矣心略怡往來人自京都者聞知霖雨兩日彌

高低禾黍實無恙水衝溪橋則有之固為慰也繼為慮

寧匪飾言半信疑驛詢方伯近來况

雨覺稍多於田禾
是否有礙已諭周

元理迅查
或弗敢陳欺我辭

據實覆奏

京報奏至雨不為潦米價如常詩以誌慰

月初雨覺勤以此因繾彼馳驛問情形弗容飾辭美

初月

以來熱河雨水稍勤而京城晴雨若何未據留京王大臣等奏報因傳旨速詢今據覆奏六月初一二連有雷雨初三復微雨數次俱係旋雨旋晴初四以後即大開霽高地並無積水田禾正資長發極窪處雖不無滙水晴後亦即消涸梁黍均無妨礙米糧價值如常麥更較前平減足慰廩念

飛章脩悉陳雖霖

不致沴^叶高地無停潦極窪存瀝水然已兩日晴消涸
亦速耳米價實如常麥價則落矣額手為少慰既慰益敬
止西成期尚遙每懷靡及已

熱

四山氣蒸溽濕熱殊常熾雖云避暑莊暑乃可無避斯
處尚如斯關內倍蓰計

天安奉以來夏清養實遂禾黍更宜暘助長已結穗所喜
信在茲所願那全脩樹陰風偶過自有涼爽致原未孤

其名是地誠福地

驟雨

六月十三日

幾簌油雲吐遠嶺片刻霏霞彌空迥涼風吹散銀竹脚
流永噴珠祇俄頃林巒忽訝萬樹藏池塘雅稱新荷打
霽霽密灑不逾時驅祝融威難復逞山莊神運有若斯
九夏三秋觀平等

西北風

西北風主晴塞山晴更速落巖益颼颼驅雲鮮停蓄吟

呀鼓萬竅金石非絲竹秋信已傳涼暑節全收溽生衣
似不禁行將換紗服

立秋

六月十九日

何處而無秋信迎山莊秋信最分明西南風至農經驗

月令占候圖云立秋晡時申西南涼風至宜粟
穀今日申時立秋而風自西南至適叶農占

東北雲

歸塞宇晴戲蝶花間還戀影初蛩草際已聞聲惟餘虔
祝時暘若庶得岡田萬寶成

閏隄

武列石城東其流本無定所喜來源微遇霖方漲盛漲
時勢頗浩過雨亦旋罄山莊聚問閭數已十萬賸築隄
為保障期以安兆姓隄根或致嚙修整隨時應不過此
補苴計欲求永亘相去聲勢劇沙嘴導流俾弗競庶免激
石怒用順赴壑性然斯實小試事半功倍剩畿南謂永定河
及淮北謂黃河慙乏善治平聲政

雨

六月二十日

昨近秋炎又異常明知蒸溽有霖償中宵忽報油雲霽

破曉已看陣雨霽或止或零達日晚時疎時密掩三光
逮旬快霽雖無礙究欲晴佳念不遑

復雨

六月二十四夜

復雨輒復愁我愁紛有故間去聲作非臆霖大田未潦如

所慮漲水發怒波衝驛路軍書盼孔亟遲或誤裁務困

獸竟反噬猖獗邀隙遽初為逋逃藪繼乃狼狽助縱回

騷糧臺遮却更險據

小金川逆酋僧格桑與小金川逆酋索諾木狼狽為奸侵吞隣境抗拒

王師不得已命將申討去年冬攻克小金川僧格桑窘迫喙走由美卧溝竄入金川大軍進勦期於掃蕩賊巢

併擒逆豎惟時命董天弼駐守底木達等寨以扼美卧
溝要隘執意僧格桑復萌逆惡於六月初一日竟從去
路潛來冀佔舊巢並擾軍營後路乃董天弼庸懦無能
先既退居美諾及溫福嚴飭始回底木達仍另立一小
營不在官寨防守致為賊首窺伺乘間攻破即佔擾底
木達布朗郭宗兩寨並煽惑降番復叛搶奪八卦碉科
多一路糧臺擾截木果木後路逆首罪大惡極實為覆
載所不容而董天弼之玩懦貽誤亦死有餘辜矣思之
深切

憤懣

還軍有差跌懦卒散羣驚致失我賢臣痛惜言難論

先是溫福接劉秉恬札知賊番侵擾糧臺之信即派參
贊海蘭察統兵馳赴劉秉恬處援勦藉以無虞不期初
十日早賊竟侵至木果木山後而防駐之德爾森保毫
無措置以致失守賊遂竄入溫福軍營綠營兵衆見賊
先驚倉皇潰散僅存滿洲兵百餘溫福率以擊賊竟致
受創捐軀聞信深為震悼雖加恩贈襲伯爵祠祀昭忠

並資資助喪實不足旗兵之未遣綠營之徒付圖省從
以俞我痛惜之懷耳

公議可恃忘深慮

去年春已簡派八旗兵三千備赴軍營因溫福阿桂俱奏滿洲兵一人費至

綠營三倍欲多用綠旗兵可不發京兵遂為其言所惑
不復深計因而中止該使溫福軍營賊至時有滿洲兵
千餘在彼則綠營得所依恃亦不致潰竄失事是仍由
溫福自誤予之輕信亦誤今悔已無及矣所幸阿桂一
路調度得宜收戮叛番斷其內應復分路掩擊殺賊四
五百衆並安章谷後路臺站軍心鎮定糧儲軍火充餘
足資倚任因即命為定邊將軍並派健銳火器營兵二
千吉林黑龍江兵二千伊尼厄魯特兵一千迅赴軍營
重籌進剿以申國威而張撻伐

追悔何嗟及聚銅大錯鑄賊計誠益詭

賊罪越難恕禁旅發精勇雪仇無返顧

天自鑒曲直我豈為窮黷

叶 兩金川之役初意並不

逆命遂不得不加申討乃竟抗我顏行勢難中輟曲直所在上蒼自能昭鑒並非予之有意窮兵黷武吾

誰欺欺此實為罪惡貫盈自速滅亡耳 勤勞遑敢辭國威要

揚布

喜晴

六月二十五日

歷辰猶細霏傍午遂大霽農功幸益佳軍營亦信遞自聞

溫福軍營失事之信阿桂京報數日不至其後路料多新橋一帶亦有賊梗阻深為懸注今早始得其十三日所奏軍營寧貼情形乃另從章谷一路馳遞者覽之始得慰懷 未然防已周先覺誅許

細從逆盡勦滅可疑亦別置以此當噶拉安然若無事

總俟重進師應迴美諾至

阿桂一聞賊匪侵擾底木達布朗郭宗之事料其必有小

金川番人內應預為防範復偵知降番被煽從逆者多遣兵分路勦洗其有目金川潛至番寺者即并喇嘛誅之並將近寨丁男移置他處收其兵罷而頭人之可疑者則羈之營中不令回寨是以當噶拉全營軍心鎮定因諭阿桂即撤兵回至美諾殲除羣賊收復底木達等寨並擒逆豎僧格桑將小金川全境廓清駐軍以待京兵至日另籌進勦是阿桂一軍之安所繫甚重固由其調度有方亦實賴

上天嘉佑耳 未逮難

收拾

嘉護感

天賜

題鄒一桂秋花九種

梔子

休言西域赭如金見說漢園玉作林識得本來簷蔔面
不關形色不關心

秋葵

砌角庭心簇簇多謾言衛足智如何率因心赤向陽切
便合花黃承露多

秋海棠

多向牆陰冷處生
向隅獨不關芳榮
即看含媚還含戚
尚似懷人一片情

牽牛

何處青牛未服箱
金風七月始含涼
漫言引蔓能飛遠
一水盈盈不解航

夾竹桃

桃作花頭竹作枝
扶欄婀娜自離披
問誰識得連昌色

祇有詩人元拾遺

玉簪

色非姚冶香非艷
蜀葉天然稱鬢絲
蓬島露華晞海旭
綵鸞待欲曉粧時

萬壽菊

滿擎沆瀣曉曦鮮
勝彼兕觥萬壽筵
謾道姓名花譜漏
羣芳譜中增華不獨此為然
無此種

藍菊

開秋獨不喜開春品格原應擬隱淪莫笑後來紛變色
唐家已有面藍人

翦秋羅

花開四季足風流特翦秋羅殿九秋老去詩人留畫筆

此一桂向年所畫
存山莊茲始題句空閒搜索咏從頭

七夕陣雨

陣雨送斜陽旋晴露月光洗車還處去聲暑預日發朝利

行裝

是日健銳營兵啟程征勦金川逆賊
自朝至酉晴和氣朗吉協軍占

錦樹輕含籟冰

蟾不濕涼軍書勤夜問懶泛塞湖航

散悶

散悶秋山靄靄光嘉陰深處逐風涼
澗泉隱現曾無定塞苑寒暄自有常
鹿漸增肥毛已澤蛩將互鬥脇先揚
邇來把筆艱佳句捨此更奚解懣腸

夜雨

七月十四日

收雲晴七夕來復雨中宵侵枕微涼送
隔牕清嚮招被畦滋葉菜潤畝茂花
蕎既渥無須滯時暘盼詰朝

中元日放河燈

破曉猶微雨，歷辰遂快晴。秋巖斂氛翳，露樹閃光晶。依
例河燈放，稱心塞景清。所欣寧在此，時若慶農耕。

夜雨

七月二
十七日

間

去聲

日不為滯，霏宵真固宜。夢醒聽淅瀝，夜景入希夷。
林欲變黃葉，薈欣潤白蕤。明晨定添冷，打疊袷衣披。

日影

日影上牕疎，秋中景颯如。卽茲閱倏忽，何以惜居諸。綠

樹紅將染涼軒熱早祛消閒增別譔撫帖考遺書

露光

玉露契金秋日增日以稠為霜猶遲去聲結見現忽傾流

大小驪珠閃輝煌火齊浮銅仙隨處是漢武笑迂謀

雨

八月十四日

通閨山田獲已均非資雨際望非頻自辰至未霑三寸

數往逮今過一旬

七月廿七雨至今剛旬餘其間雖屢小雨不成分寸

玩景最欣

連嶺霧啟程應是灑途塵

以是月十六日啟程幸木蘭

崧科韭菜都

增潤更覺欣深老圃人

中秋即景

雨後中秋碧宇晴同然萬里古增評

蘇軾詩嘗聞此宵月萬里同陰晴云

其說得自海賈驗之亦往往相合也

今年又喜值今夕玉塞由來近玉京

市上人喧瓜餅會岩間鹿和管絃聲對時底事增歡慶
綏屢欣逢萬寶成

口外 甲午

昨日至遙亭雨已較南好今日出古北反覺遙亭小禾

黍總菁蔥晃日露華皎攬轡能無慰既慰愁還擾京師
接報雨分寸斯益少十七日駐密雲得雨三寸許猶嫌其未透昨留京辦事王大臣奏是日京城之雨尚不及寸則更遜於密雲矣顧此而忘彼豈曰為君道

祭馬

策馬閱農況關外勝關內有地無不耕高下蔚茂藹颺
風惟時薰浥露餘沆瀣問知四五月陣雨頗霑逮北勢
大於南所以猶堪待叶然總未深渥益為望滂沛晚來
山吐雲塞宇鋪靉靄顯希施霽霖近遠遍優溉

夜雨八韻

五月二十日

族雲生傍晚，雲雨落清宵。
雪雪電蛇閃，鉤鉤雷鼓驕。
蓄深方一放，望亟轉無聊。
豎灑橫排暢，且徐繼疾迢。
久看立苔砌，歸寢入松寮。
衾意含微颯，簷聲尚暴澆。
已知蘇渴涸，餘事解燒歌。
京輔曾霑否，南瞻縑念遥。

熱

今朝炎熱昨宵涼，塞外寒暄曷有常。
候未三庚先報暑，秋臨二麥正宜暘。
較晴量雨惟農切，探節數時有句償。

應接雖然畧無暇靜觀或亦養心方

京報

京報稱霑雨量云三寸多誠真未慰我設飾更虞他又
復成虛望無能致變和時時向南顧惟是歎如何

雨

五月二
十二日

稅駕猶晴熱酷暘蒸雲過午亟凝望遂施晚雨縣八刻
直到山莊第一祥掣電興雷紛霽霽極妍盡態熱洋洋
土墀積水不計寸渥矣仍懷京報償

河灘

河灘地可耕或農或為圃矮者非與崧高者禾及桑一
雨總迴蘇菁蔥滿志覩亦有麥堆場顆粒非甚飽叶地
寒種已遲半收青黃補盈虛理有恒艱致綏豐普或云
時宜晴礬麵入倉庾所望實奢哉我亦略同汝

山水

驟雨必致發山水挾石衝沙當者毀山莊谿壑視為常
雨過剷除無事矣溝澮其涸可立待孟子之言深物理

聲聞過情君子恥虛譽頌聖寧止彼偶然對亦瞿然耳

聞京師得雨誌慰

喜近於驕慰近欽欽哉切切永銘心此而渥霽幸逢昨
彼亦霽霖報到今

廿二日熱河得雨深透今留京辦事王大臣及順天府奏至京城亦於是

日自未至酉密雨霽透晚田得以及時翻種為之欣慰

謝雨祠宮

方澤啓

禮部以二十日雨已三寸餘尚在七日之內例應報祭因遣裕親王恭代行

方澤望秋

農父大田臨百憂都以消

嘉賦一意惟應盼捷音

前此以盼雨盼捷兩事交縈於懷今甘霽優渥已愜所願惟專望阿

桂捷音耳

夜雨

五月廿四日

傍晚四山雲復生入夕蕭蕭雨隨作是誠霖矣恰其時
浸潤悠揚非搏躍不雷不電亟饜飫或疾或徐真灑落
了知優澤渥田疇無慮衝波壞谿壑簷聲斷續眠醒聽
徹夜清懷自斟酌弗憂少亦弗憂多豈不農人同此樂
然餘遠念繾軍營彼處宜暘定何若

晴六韻

夜雨既已渥朝晴良復宜雲收天宇淨風落曉涼披棧
路濕非濘筍輿行以遲何妨十步憩真覺六情怡畫意
隨方攬詩詞著處攜山田牆外見蔚綠晃而滋

雨六韻

五月廿六日

既雨雨實易四山雲屢生聚斯霏陣霏散亦放時晴明
晦渾無定密疎特有情柳隄絲帶重荷沼葉珠擎立候
溟濛過行披颯沓迎齊東似茲否

前聞山東缺雨較畿
輔尤甚因屢詢撫臣

徐績戒其勿事諱飾近日連據奏報通省得
雨情形分寸均不及此處霑足仍切屢念耳
縈遙望為心

山行

山行意無約率與適為期憩必尋嘉蔭入常遵曲達新
晴日弗烈過雨氣猶滋水漲鷗呼侶坡平鹿引麕觸觀
皆合畫理緒亦成詩萬物長養候吾惟體對時

陣雨

五月廿八日

邇來每作雨雨實弗致多濯枝復潤葉旋即放晴和今

晚山雲重陣雨落霽霽前墀立積水接上銀竹羅固知
涸可待却慮漲潮河夏漲亦其常虞滯軍報過進勦正
斯時捷音日延職

晴

陣雨誠繼潤晚晴良復好雲捲東南淨天露西北晶夕
陽在高樹葉底明皎皎巖風頓增涼率欲易衣襖塞景
幻寒暄不齊齊之道籌農略云慰高下澤霽飽雖然敢
即安西成時尚早

題曹秀先所輯山莊正雅集即以為序

憶年十二始來斯

聖祖恩深最受

知豈意肯堂仔肩已恒勤養

志色難思惟茲夕惕朝乾勵却匪風吟月弄為哀輯事成
慙正雅邨更表語頌浮規

雨六韻

六月初四日

閒常論夏令五雨不為多倏見雲峯簇便聞雷鼓羅立

時飛急霽存地疊微波遊鹿罷導躡濕禽嬾出窠既霑
那計寸旋霽信稱和點滴餘樾蔭莫從林下過

新月

細於眉已濶於鈎隱隱寒光碧宇流屈指還當三五日
塞湖載月作清遊

閔隄

閭閻日以滋未免多占地山水况無定漲來卒難致是
宜先預防庶可保無事一勞永逸艱惟補偏救弊去年

驟已示今歲工方備乘閒策馬省亦曰堅牢致斯之未
能信益勵安民思

午熱

夏以暑為德熱亦何可無三日不作雨炎熇頓爾殊念
惟長養候日暄實宜夫况茲避暑莊朝夕颯爽鋪雖熱
凉可乘無為愁鬱枯蒸雲霧遠山將雨其然乎

驟雨

六月初
六日

肩輿聊趁樹陰行一片雲生挾飛雨弗雷弗電落空絲

豎灑橫排暗天宇喜得溪亭數武間坐以避霖小延佇
僕人所惜惟衣帽而我所欣在禾黍須臾捲去不啻餘
林下風來涼爾許

初伏

六月
八日

一日復一日北至臨三庚上伏值斯辰午熱信有徵熱
即蒸為雨所幸雨而晴山莊稱避暑過雨涼爽生對時
思育物未秋祝西成那采六色芝虛傳八葉蓂遥遥金
川師佇望馳紅旌

卷十
聞京師奏報得雨

此間時雨亦時晴未識迤南用繾情閣奉三朝必一至

雨稱一律洽三庚

初八日閻章至留京辦事王大臣奏初四傍晚得雷雨一陣初五自卯至

辰勢更滂沛旋即開霽時屆初伏天氣較炎隔數日即得霽雨田禾既饒渥潤而雨後快晴長發倍為蔚茂

秋前預卜堪遙定麥後翻耕總怒生曰若斯言漫輕出
福謙

天道所虧盈

雨六月初九日

一夜雲聚散凌晨霖雨濛勢長疎密間去聲鋪廣近遙同
炎却昨來暑爽生林下風晚晴尤恰當斜日遠山紅

晚晴落照

東嶺攀登暫覺暄爽迎陟降頻除煩橫巒高自鯉脊度
西日明同鴉背翻爛爛林光風搖去聲霽徐徐峯影靄消
昏流陰不住原常住昨歲依然此景存

夜雨

六月十四日

快晴經五日縣雨到三更不作雷霆勢雅宜霰霖并連

勝明想潤隔戶暗聞聲愜意稱時若甄心勵捧盈

晴

傍晚雲容散逮辰日色晶雨收猶潤重風度覺涼輕荷
瀉珠光閃榭翻玉影明籌農心略慰祇剩繾綣軍情

策馬

策馬出石城閱隄兼閱稼雖日勅幾政山莊究多暇外
庭弗相見非羨慙且怕所以間

去聲

數朝沿攬必命駕誰

知三五宿田功殊又乍此地不種稻黍高而蕎下

叶一

律茂綠雲極目鮮隙罅濃露潤苗穗爽風翻穠稂邇來
幸時若晴晝雨或夜亦無異漲落諸事胥安迓祇渴望
捷音耆定武功罷

爽

九夏炎惟普山莊爽所偏風來衫角颯暑向扇傍捐
帖思還古吟詩度小年晴餘將十日畧望雨滋田

陣雨

六月廿九日

油雲一片至天中不雷不電禁絲作時行之候固如斯

却因望久心殷若須臾庭前亦積水瞬息天邊收雨脚
不成分寸地旋乾拈筆憮然徒落莫

七月朔立秋是日雨

一歲已分平九秋節應始五鼓復雨落疎密直達已雖
未至優渥三寸霑亦美所惜雲漸薄過午放晴矣農占

固稱佳

田家以立秋日雨為秋予恐秋後雨少若不雨
即為秋俊又恐秋雨過多惟既雨復晴為吉今

適叶再霑心焉企

夜雨

七月初二日

五更忽聽簷泉流，葛衾涼峭清夢遒。不雷不電甚醞藉，
或徐或疾真優游。繼膏益潤利稼穡，纔希渥霈望外酬。
軍營况復報捷近，自審增懼吾何修。

晴

膏澤已優霑，即願晴益好。夏雨既云稀，恐積秋霖浩。求
全實太甚，所以歡斯少。尋思總因民，或合為君道。朝來
雨綿滯，踊懼將行潦。無何雲勢散，却露曦光皦。爽風吹
泠泠，緒暑覺渺渺。幸哉籌稼穡，怡然慰懷抱。時若祝此

後庶可成萬寶

聞京師得雨

塵懷命問說無需

前因熱河旬日未雨草尖似覺微乾
恐農田不無待澤因諭詢留京辦事

王大臣昨據覆奏此時得雨
固佳但秋畦頗潤並非亟盼既得優霖報衆娛

今日閣
郵至王

大臣及京兆俱奏初一夜密
雨連旦約五寸許四郊霑渥雖曰慰遥寧所喜亦知非

亟幸茲濡

熱河連日頻得甘霽且俱夜兩朝晴
屆茲秋禾滋長之時得此極為有益

燕南塞

北欣同被早種晚耕庶不孤納稼九秋期尚遠此時那

敢懼忘吾

七夕

此地宛今夕塞雲仍七襄針樓雖未設瓜席却依常巧
乞拙誰乞離長會亦長林標聽鳴鹿天樂下仙琅

高秋六韻

高秋最何處避暑此山莊有日皆騰朗無風不帶涼鹿
將肥毳澤蛩益勇聲揚嶺攝欲增色野花爭鬪芳露香
鋪廣甸曦影上深堂別有慰心者田雲漸作黃

夜雨

七月廿三日

弗雨將旬日邇來熱異常夜衾聞淅瀝心地頓清涼度
嶺態思白膏去聲田色濯黃別因生慰者蕎菜亦豐償

中秋即事

興州桂節常欣度比似皇都致不同尺五沈瀛喜天近
平分淵魄正秋中吳仙修處葉全綠周子愛時花尚紅
山莊仲秋月荷花尚開雖以苑內有溫泉之故然荷桂同時亦風景之特勝者物意人情多浹
洽祇餘翹盼歲鴻功

雪

八月廿八日

密佈秋雲低詰朝興安八月六花飄千山玉戲幻隱現
四野銀鋪迷近遙木杓泥乾歸帳殿竹鑪烟起認茶寮
從來於此多逸興飛處紛同卒未消

欽定熱河志卷十

欽定四庫全書

欽定熱河志卷十一

天章十一

御製詩

口外 乙未

口外山田例倍佳低岡高嶺繡鋪皆麥將報熟黃龍穗

禾正怒生綠到芟不禁民遷聽謀食

口外隙地甚多直隸山東山西人民

出口耕種謀食者歲以為常方今中外一家口外仍係內地小民出入原所不禁一轉移間而曠土游民兼得

其利實為從古所未有

郝虞甌脫致椎埋霽天如洗無纖翳縱目

鳴鞭信慰懷

陣雨

六月初四日

西北忽雲生涼風催以行纔聞雷鼓響倏至雨盆傾白

霍未逾刻碧霄即放晴石梁應弗寧

皇太后緩頓安行計程今日應

過青石梁此雨纔落即止無論相隔百餘里陰晴未必相同縱或似此雨過旋晴亦不致山程泥濘也

鳳駕好登程

曉涼

陣雨欣晚霽峭風生曉涼渾忘夏時節欲換袷衣裳問
景遲遊豫翻書資就將如詢切已處無逸已言詳

雨

六月初
九日

昨近日日有陣雨片刻即晴非普霽今朝自卯至卓午
疾灑徐霏綿布濩岡田阪稼遍霑濡又非驟霖豁漲怒
後到行李如歸家於襦於旅兩欣遇雖然適可即當止是
我籌農無足處

晴

雨自西南來仍自西南霽寥廓露天光荏苒散雲翳夕
陽照高樹晶晶萬葉翠五字憶浣花亦佳誠愜意

山行

雨歇夏山清山行聊問景天邊雲徂輕林下風來冷土
濕鹿跡留塞迴鶴聲警去去總契神步步若移境豈不
歲常來所遇欣新領

濬溪

沙溪帶山邊山雨溪水漲漲退沙必留疏濬例以向設

使弗疏濬沙滿溪斯漾園丁久慣經耒鍤相摒擋劬
所不辭酌賜聊頌貺緊余更思之黃河沙益壯夫誰為
疏濬自古原無恙小大容受殊所以貴有量

爽

雲散碧天晴風來西北爽溽暑霍然無氣清皎日朗山

莊之所獨生衣涼切斲

斲衣從毛冬月宜之惟清異綠載臨川土饒之民以新智版作

醒骨紗用饒綠蕉骨相兼撚織夏月衣之輕涼適體號大清斲則又於斲字廣異聞也

香山云心

靜何曾有此想

聞京師得雨誌喜

四百里雨同一日五六寸霑真足優

昨閣章至留京辦
事王大臣及順天

府奏報初九日子刻開朗入土約有六寸此間
亦於初九日得雨優渥畧同實為有秋之慶也更欣快

霽非霖夏可共良農冀有秋期尚遠哉其後樂民惟艱耳
我先憂每瞻

聖藻光巖穴

昔日今時此豫遊

閱隄

深居我所厭引見待月例

通年五月即駐山莊因令五
六七等月文武月選官每月

派史兵兩部堂官一人帶至熱河引見俾速赴任行在
既得一體掄材而各員亦不致久濡旅食最為兩便今
歲召鑒較遲五月月選官即令預期掣籤在京引見是
以今年六月在山莊較每年更間安逸素非所喜因策
馬閱隄聊縱日有疇咨二三惟大吏策馬率待臣隄工
以遣暇

出閱視

叶

塞水本無定而亦無大害

叶

碎石與條石相

去聲形名妥置既以固城垣還因安市肆邇年恒輦晏未

嘗非小試河隄及海塘之二實大事每當夏秋臨南望
頻縈思却終乏善策補偏而救弊更要在得人其難得

人寄

雨

六月十四日

夏雨何須十其期五亦佳
臘雲佐曉塞密霽落巖齋
未乘油然潤圖書靜以諧
紅旗馳可礙未免遠縈懷

六月望日作

曉雲已散碧霄寬快霽辰
牌發

翟鑒歷禮蜂臺

八旬健仍

登鴈塔九層端共欣

天意同人意私慶

慈安永壽安愛敬敢云天子孝心乎愛敬更增歡

熱

夏熱而冬寒天地自然理山莊雖勝境夫豈能違此而有所獨者早晚爽無比原田芄禾黍溽蒸長養恃熱亦不可無炎歆今日熾叶然居嘉蔭下風來本涼美避暑暑嫩而消夏夏長矣白傳圖心靜我則以書史

雨後喜晴

六月二十日

適日陣雨旋即晴既淫禾黍亦非潦今曉急霽歷一時
再久為霖斯弗妙經事多乃益畏事憂先農父田功劬
然彼無過盡其力變理惟予任感召以是願晴心特甚
已脾雲散曦光曜額手稼穡幸無妨引領西望紅旗報
聞

閒豈非人願而我閒非慣詎故異於人心實有所憚一
念敬怠間吉凶乃由判山莊富佳境清涼暑弗扇小遊

偷暇可長夏耽逸慢因以閒為憂或鮮佚之患

策馬

策馬出山城侍衛皆隨行園中亦有山頗可肩輿登欣
於內臣慣厭與外人并我近觀明史其禍致弗輕所以
國朝制

家法萬世繩羽林及蓋族出必陪蹕清既因悉其材復用
聯厥情我豈或忘茲永言告雲仍

熱

熱亦豈可無長養資炎暑而心切切者恐復蒸為雨山

田既透潤畿南逮數府

今歲關外雨澤優霑山田極為暢茂而畿南各郡亦經周元理

屢報普渥時霖然過多又非所宜恐太熱或不免釀雨耳

茲乃望時賜或可秋成觀

懼熱非為

去聲已斯實避暑所

夜雨

六月廿四日

山莊快霽經四日夜醒忽聽簷溜鳴情知溽暑時行候
未季況是長已成歌枕溜細因以寐片刻復聞浩浩聲
朝來時息亦時作霖哉適可止而停去歲此際頗望雨

今年此際殊盼晴非關吾中無定見大都切切緣農耕

林下戲題

偶來林下坐嘉蔭實清便樂彼艱俸指

朝臣致仕者稱林下向如沈德

潛錢陳羣張泰開鄒一桂輩已皆為古人今雖有告口休者不過一二而品行學問亦遠不及彼數人也

予未息肩炎曦遮葉度爽籟透枝穿擬號箇中者還當

二十年

余嘗立願至八十五歲即當歸政距今尚有二十年方得遂林泉之樂耳

七月朔日作

不雨已數日掄秋為始朝塞天曉氣爽野水漲痕消榮

騎行時令沿田觀稼苗由來念黎庶詎是恣逍遙

知京中晴雨應時詩以誌慰

近覺雨微勤京畿慮更厯置郵命傳問騰疏此遙聞數

前因山莊雨澤稍勤恐京師或因多雨致滂寄諭詢問
舒赫德及京兆等茲據覆奏京城六月廿六密雨竟夜
至止七卯時方止勢甚悠揚不致停蓄復親至郊外察
看高地隨時宣洩低窪處間有瀝水旋亦消涸農民僉
云與莊稼無礙連日晴
爽於田禾更為有益
低潦消原涸高田潤可耘秋成

期尚遠惟懼以為欣

雨

七月初三日

弗雨已五日浚澈審不妨為聲間去聲疎密作勢極悠揚

地潤易存水雲開喜露陽撫時信時若額手慶農祥

七夕漫題

相傳牛女節塞外豈殊諸橋倩鹿為鵲田欣雨洗車是日

雨辨知杜詩正杜甫詩牽牛出河西織女處其東萬古永相望七夕誰見同此語甚正乞

笑柳文虛設以嶺南論斯猶近有餘

夜雨七月初八日

夜雨侵晨卒未休膩雲纔白黑隨稠時行雖曰節猶夏

今歲閏在十月節遲
是月十三日方立秋
霖盛踊虞潦接秋稼穡可期畏孤

望淋漓不斷怒增愁遙遙更有牽懷者報捷恐遲速置

郵

喜晴

七月初十日

昨晚雨陣歇今晨日御鋪目同空宇廓愁與滯雲但如

可涸田潦問猶遲驛途

初九閣章應於初十午刻至山莊乃是日酉刻尚未進到詢因

初七八等日陰雨連綿潮
白等河暴漲遂致阻滯

所慮莫非事為慰那為愉

立秋

七月十三日

金律今朝入所欣連日晴草頭凝露重林表晃曦晶披
處風含爽看來暑欲征三農心畧慰庶可卜西成

雨

七月十七日

弗雨快晴將及旬朝來密霽落檐巡固知田際無潦致
未免秋中望霽頻却看霞霞停過午遂教霞黴散臨申
夕陽朗照巖風爽慶慰依然倍敬寅

處暑

七月廿八日

閏置孟冬抄致因處暑遲然流陰迅矣豈夏氣恒之月

盡方中節

處暑為
七月中

爽來覺後期午炎猶特劇孤注有如

斯

雨

七月廿
九日

炎蒸易為雨秋霽四山并彌宇渺無際落簷時有聲情

知未致潦眼望總期晴雲率西南起因之鱣近京

廿五
日此

間微雨歷辰至未傍晚即晴然雲氣自西南來恐近京
之雨較大馳諭詢之留京辦事王大臣等覆奏廿五雨
甚稠密至廿七尚未開晴今日雨勢復自西南
而未恐京城或致於霖潦不能再咨詢耳

留京王大臣等奏報晴定情形詩以誌慰

再三曾往問詳悉此來陳

前此因聞京城雨較此間稍密放晴稍遲曾屢諭留京王

大臣詢問茲覆奏京城七月初一尚微陰過午開霽初二早

西北風起天氣涼晴定風澄爽秋中氣霽新低區惜成

潦平壤望登困撫恤綢繆要早咨方伯臣

今歲口內之雨較口外為

大水定河岸亦有漫工恐瀕水及雨多之處未免致潦屢經諭詢周元理昨據奏瀕河被水州縣約計三十餘均係一隅偏災現在查勘實為厯念復詢周元理成災分數若何較上年輕重奚似尚未奏覆今王大臣等奏近京莊稼低窪不免稍損高處仍可望有收想畿輔大畧相同耳

中秋日即事

夜雨悠揚晝快晴潤暄真是協西成秋中雅合浴金魄
地迴應知近玉京

祖德鴻猷仰巍蕩

慈齡燕喜祝虔誠更欣灑道非增潦例以明朝發獵旌近歲

每以八月十六日
啓程往木蘭行圍

雨 八月廿二日

昨近特炎熱木蘭經曾未知將蒸作雲四山倏陰翳圍
畢總武帳傾盆即飛至豎灑復橫排曲盡磅礴勢聲如

八音會色是三峽出須臾土階前白水二寸積鋏劒之
字滿驪流露乾地僕人忙劬劬效勤各思試是緣親坐
觀孰弗宣其力叶雨過碧字霽寂然都無事可以悟萬里
因之成五字

將軍阿桂奏攻克勒烏賊巢紅旗報捷喜成七言
十首以當凱歌

廿四中秋夜丑時木蘭營裏迤紅旗本來不寐問軍報
孰謂今宵宛見之

七千里外路迢遙向十餘朝茲八朝向來六百里加緊

日遙到茲軍營八月十六日所發紅旗於廿四日丑時已達木蘭行在途中僅行八日可識衆心

同人志嘉哉行賞自宜昭以馳速紅旗迅捷諭將賞旗員弁查明行賞其沿途驛站

官員兵役交部分別議賞議叙

賊巢最是勒烏圍甲雜小連噶喇衣勒烏圍為促侵最要賊巢今已攻克

則索諾木現居之甲雜小寨及其噶喇依狡窟破竹勢官軍自可乘勝席卷掃穴擒渠佇見紅旗疊至

成應不日速傳捷信願無違

行營半夜那來喧却是紅旗到叙門叙門即和門周禮夏官大司馬注軍

門曰和立兩旌以為之叙和出用次第出五載勤勞同
和門云云今行營旌門之制約畧相合

天恩

紅燈一點引紅旗傾刻行營人盡知舊部新藩同賀喜
古來報捷可如斯

成言原有付兒行一見紅旗即

奏將

啓蹕幸木蘭時命皇太子奉皇太后駐山莊諭
以紅旗必由山莊經過俟一至即奏聞聖母

雖是

慈心早知喜更馳侍衛報山莊

皇太后雖已聞捷音仍遣御前侍衛春寧賁奏

書馳詣山莊賀喜

一破賊巢飛騎馳未遑詳悉盡陳之

阿桂等一得勒烏圍即發紅旗未能

具摺同奏故尚將軍宣力應優賜先示端倪加勉宜

紅旗

未知其詳晰也至降旨將將軍參贊及將領等交部優叙兵丁各賞月銀而將軍阿桂宣力獨至奏績酬庸必當予以公爵優其

章服因先賜以紅寶石帽頂命其子侍衛阿彌達馳賁以往俾益迅速集勲

前次受降惟戢斧今番報捷乃犁庭

前次征勦金州莎羅奔即卡窟迫乞

命遂允所請受降歲事未十年即卡已侵擾鄰境土司即卡既死其子索諾木等與小金川僧格桑狼狽為奸

意欲蠶食各土司甚至黨惡負恩抗干天討因深悔前
此之姑息養奸此次厚集兵力擣穴擒渠掃平賊境庶
可永除後患
敬承
白為正辦

天眷能無慰未至武成心未寧

宵衣

去聲

惟吾理合然喜而不寐那能眠乃知履齒事誠

有較彼殊猶高下懸

三捷盼來一月間此時軍務正相關執渠掃穴歌者定

佇待郊臺奏凱還

將軍等凱旋時擬至良鄉行郊勞禮已預葺郊臺以待矣

與

丙申

北至已逾旬，蒸炎實宜爾。山莊稱避暑，地靈有神理。兼之澍雨過，快晴收溽靡。球露含潤晶，巖風拂涼美。襟袖颯披爽，几席清如水。長夏以何消，沃心有書史。書史多芳規，擇而行由已。

熱

今朝午覺熱，乃符夏德暑。暑亦豈能無，長遂化工補。然此山莊中，饒有避炎所。谷口風送涼，林間陰更普。廣軒復辱豁，蒸溽弗到戶。牆外市廛輳，難免煩歌鼓。因憶僕

從人可忘怨咨苦

夜雨

五月廿二日

昨熱知蒸雨殷雷聽夜齋遂聞響銀竹旋報濕瓊槐颯
爽帷間透膩炎戶外排

大安明曉至快霽以為佳

雨泛八首

五月廿六日

雨雲

雨雲弗藉殷上其雷了識為時必久哉

凡有雷之雨為陣雨為時弗長

若無雷為時必
久屢試弗興

剛見遙天敷靄霽
片時亂點落空來

雨山

螺黛分明見遠山
葳林蔽壑瞬眸間
橫排豎灑恣流宕
不動高峯祇是閒

雨舟

湖舟那似御舟大
謂安福壩昨御以東巡者
中使撐篙遇雨忙
却喜

無端入畫景

石渠寶笈有李唐風雨歸舟圖

更思盼澤過瀛滄

山左迴鑾

時久缺雨登舟後
盼澤甚殷雖蓬窗夜
聽曾雙慰懷
究以渥霽未霑不能愜意

雨荷

新荷纔見雨三莖驟雨杯如沆瀣傾細聽聲為小石調
遺山佳曲面前呈

雨鹿

左右今看濯濯真踉蹌學步領麕新
凡鹿於四五月間生子必遇雨而後

產因之無害狎鷗悟林下同然不避人

雨鶴

喬松翻下近根邊避濕胎仙性自便白片設還疑作雪

王恭鶴氅是天然

雨岸

米家畫裏不分明到岸方知靚面迎
莎草那妨泥滑刺肩輿也教漫徐行

雨齋

數武居然也到齋雨衣原是瓦為佳
淅淅簷溜聲鳴裏寫就新詩八首排

喜晴即事

昨曉

大安禮梵字山衢快爽值晴明午炎

寢殿宴息適申刻遙峯蒼蔚生遂霈甘霖宜稼穡更輝朝

旭放光晶似茲時若利農務總沐

天恩豫

懿情

六月朔日初伏

三庚至後數

上聲

初庚

世率以三伏謂三庚然亦有四十一日之伏者究以夏至後第三庚數

伏起之三
庚為是

朔旦巧逢月首并恰值片時飛陣雨更欣少

刻湊佳晴東南雲歛溽蒸卷西北風吹颯爽迎畏慮翻

因為慶慰

月朔及首伏最忌連陰
茲雨而即晴實叶農占

願同農父祝秋成

熱

炎官行時令合遍四天下豈於山莊中朱明乃獨捨耕

懇日以廣長遂資乎夏

叶

適日頗劇熱伏中所宜者樾

蔭風有爽廣廈歆無惹避暑處因多紈扇偶亦把層峯

出大雲情知蒸雨灑

雨

六月初六日

昨夜陣雨落而止今日油雲生未已過午遂看大雨行
霞霽忽傾三峽水嘗謂夏月五雨佳屈指正合其時矣
山田二麥收已畢禾黍怒生結穗始初一二日皆有陣雨即晴潤
根沃穎利農功畢嶺漲溪餘事耳此後惟益祝時若西
成尚遙念敢弛

濬溪

急雨千山過飛瀑萬峽落奔流挾沙石填溝更滿壑本

來有細流漲退翻致涸園吏宿所習荷鍤爭剝削仍舊
貫有止清溪復繹絡墮勞例有賜較庶民攻樂小務亦
厘其要政敢漠若

御門引見月官因成什

近年因避暑五月即啟蹕山莊駐過秋為日頗久致閣
報按期發無虞廢庶事惟是吏兵部月有引見吏雜職

司細務代閱原可俾

駐蹕山莊數月所有銓選人員文
職之佐雜武職之護軍校驍騎校

等官即命留京
王大臣驗看

印官董要郡賢否應親視

文官知縣以
上武員守備

以上職任較重因令吏兵兩部堂官每月各輪一人帶至山莊引見以昭詳慎雖然戒皮相十

可八九識

叶月選各員就其缺之繁簡人之能否量

材大概差無遁形自臨御至今因令來引見量材使

十一年簡閱已多亦頗十中八九以器獨是跋山川未免勞路費先事有恒言後祿思精

義

雨

六月十二日

昨有溽炎實異常情期蒸雨變新涼雲衣傍午鋪氎動雷鼓驅霖灑霈霽先盡煬姪如有意落來颯爽快無央

既霑便冀時晴好庶得農功萬寶償

題和闐玉寒山千尺雪圖

千尺雪今凡有四

千尺雪在蘇州寒山辛未南巡曾題詩紀勝並於西苑熱河盤山各做其

制為之寫圖凡四每處弄四卷精璆茲獨寫寒山宦光數典真無忝裴

楷稱名似可刪

晚晴落照

絮雲歸東南斜日戀西北右嶺漸鋪陰左峯益朗色朗
色翻湖光上下連金碧點綴紅荷花此景畫難得

難得者快晴廓落碧宇明樹葉爛金片含風峭涼生披
來欲添衣身爽神亦清昨朝熱忍忘誰曾有恒情
恒情惟在農較量甚農夫艱雨即慮他恐潦每愁吾渥
霽而忤霽似此誠希乎心恬境逾佳可以泛澄湖
澄湖漾蘭船夕靄散餘暑廣寒與徘徊玉塞與延佇麋
鹿近碕岸箴疵遨烟渚即景思重華聞善莫能禦

雨景四首

雨峯

芳絲垂幕裏嶙峋石態林姿辨不真玉筍片時森作竹
徐看其色却為銀

雨湖

岸脣增漲祇須臾接上鋪平大小珠試看波瀾呈塞水
曾何分寸讓明湖

雨荷

教漢讀作平聲出荷花移藕植此見
皇祖避暑山莊三十六景詩移植此芙蓉綠

葉紅葩雨裏舒論異潛夫誇格物錦江濯錦樂生魚

雨蚤

不見聞聲草岸隈
蠕蠕脇濕鼓猶催
摘毫非擬歐陽賦
秋信傳來有是哉

喜晴

今晨霽雨而無雷
意謂連陰其然哉
時行三庾庸可避
究希快霽為徘徊
幸看僧帽峯明露
果符厥兆真慳懷
僧帽峯雲開則雨
連霽茲果符其占
乍霏細點復乍止
過午遂見徂雲開
慰因禾黍得長聲
遂山林餘事資吟裁

留京王大臣等奏雨暘應時詩以誌慰

麥收以後雨暘時高下田苗莫不滋隔數日常逢渥霽
霑優膏便放晴曦岩關內外曾無異京國東西亦若斯
屈指秋成月餘近敢因慶慰懈虔寅

雨

六月廿一日

夏雨無雷勢定長勢絲今曉亟悠揚三朝已閱資暘暘
半日猶欣非霈霽未末申初漸開霽天中雲際露晶陽
因思患得必患失在我斯言却不妨

晚霞

徂雲散未淨夕日烘為霞晚晴知已定農諺喜兆嘉

諺云

晚晴十八日
最利農功

閃葉動高樹翻背看歸鴉碧天光照迴翠

巘陰落斜煩緒一以澄所欣在田家京畿如斯否復因
繼念遐

即事

心塵各省在農田水旱形先俾速傳

各省晴雨水旱情
形令各督撫隨時

奏報已幸邊方茲定武益思休養為祈年率稱暘雨值時

若可卜稻禾逢歲馬

今歲京畿及關外雨水極為調勻其餘南北各省以及雲貴閩粵並

奏報晴雨應時

獨繾甘涼將被曠

先據署甘督畢沅等奏甘肅皋蘭等廿九

州縣春夏缺雨五月下旬雖有雨而未能霑足高原禾漸萎黃吳被霜被雹之處亦以得雨較遲邊地早寒艱

於補種因勅勒爾謹回任後善籌賑恤就各省通計甘肅雖一隅偏災然地瘠民貧深為厯念並詢該督如賑

款不敷即於甘省截存川餉內酌撥備用務期災黎均霑實惠不肯令地方官為無米之炊也 一隅失

所亦惶然

立秋

六月廿四日

秋月先七日秋風入幾分館中常運律臺上又觀雲素

扇迎涼置生衣嬾夕薰農占小雨吉

農政全書云立秋日小雨吉今日早

間微雨晡後復廉纖霏灑定叶農占然究望隨即開晴當更佳耳

畢竟望晴殷

喜晴

昨夜廉纖雨拂枕淅瀝聲歷夏幸時若顒望萬寶成晴
知非靈霽慮過甚怵怵因思武功定事簡山莊清有此
不滿意亦可戒驕盈世間欣戚輪誰能長享亨今朝秋
甲子所關綦要誠詰旦雨即止逮辰雲遂征須臾日色
露卓午乃朗晴額手為農慶潤暄允得平雖然時尚遙

金川集卷十一
吾懷猶屏營

雨
六月廿八日

秋後晴三日

立秋日微雨遂晴至今隔三日矣

朝來禁細絲時疏時復

密半慰半猶疑究以霽為好恐成霖弗宜農夫勤較量
我更覺過之

晚晴

傍午雨已細逮申雲遂徂斜陽在晚樹爽氣拂水榭稼
穡消愁慮縹緲伴靜娛繼茲祝時若茲敢滿言乎

即事

立秋秋益朔皆逢雨即晴幸弗致靈霖暴以秋陽晶
適日率陣雨旋霽浮雲征時若有如斯或可期西成今曉
更爽涼秋象益分明菜場尚遙哉虔鞞戒滿盈

七夕喜晴

陣雨過三日朝晴喜景暄真堪曝犢鼻豈必洗車轅幸
在祈年野歡生乞巧軒銀河一字內玉塞渡天孫

題宗硯

物殊顯晦各有時晦蔽顯出誰使其穆然宋硯古色披
猶是老坑出端溪蘭亭圖畫前序詞精錫四面筆法奇
宣和紹興璽識遺後有米芾小印旋或即顛翁手所為
山莊散置今見之是誠寶也逾珣琪康熙舊冊還可稽
緋几曾用供

臨池弗愛彛鼎惟愛斯崇文並興示儉垂生敬生愧心自
知

夜雨

七月初
十日

暑處更伏盡婪熟理合然蒸雲為夜雨歆枕聽簷泉紗
帷涼頓生白巖有神權快晴閱四日欣此潤山田

朝晴

雖雨不為多究願晴為好朝來碧天淨雲散秋暘皎披
衣欲裝棉澄景對西顥顥手慶農民庶可登萬寶

即事

弗雨將十日邇來時爽涼金天空現碧寶稼色鋪黃克
已勤無逸勅幾敬不遑暇餘校四庫

由驛按日遙四庫
全書至暇則校之

詎止豫山莊

雨

七月廿一日

禾黍資暘曝菜蔕藉雨滋細霏霑二寸快霽允稱時溪
水白增瀑山楓紅染枝籌農將玩景恰覺總相宜

雨

八月初七日

半月有餘晴宜暘萬寶成細霖時作止終日甚淒清落
葉飄含濕長溪漲絕聲不禁南望喜秋麥即堪耕

涼

玉塞例不失其權仲秋甫入似九月兼之過雨落山風
曉庭涼氣侵毛髮未曾白露變為霜已有紅星漸染樾
日復一日豈多時夏令炎敲忘以忽何處而弗墮民生
幽風授衣念貧乏虞人來報鹿有聲節過吾將蒐蹕發
月
上弦行以過轉眼逮中秋圓體雖遲滿清光已漸流入
壤增雅興騁望引遙眸去歲此時景曾殊一瞬不

中秋節即事

欣逢萬寶慶西成

今歲畿輔及各省俱屬有秋督撫奏報收成均在九分以上

遠自

海隅近帝京真悅

懿顏對佳節合陳綺宴愜羣情光聯月宇翫守影響徹雲
璈鹿叶聲更勝去年今夕者免於燈下盼紅旌

暖

今年節比去年早今歲暄猶去歲同

去歲木蘭中亦逢熟曾有詩

一

望連林尚餘綠纔看高樹間去聲標紅靈山必雨况蒸溽

過海喇堪多遇雨試之屢驗

武帳當秋喜暖融設果霏霖宜播麥願

移此澤霈關中

關以內種秋麥關外則無以候寒也中秋以後至今未雨頗為京畿望澤云

小雨

九月初二日

小雨不成寸放圍難重

去聲

收益軒諸部落誰識魏文侯

磬控原無礙吟哦亦有由京南接佳信

留京辦事王大臣及順天府奏

報八月廿八日密雨竟日約三寸餘於種麥極為有益周元理亦奏良鄉涿州一帶及保定省城俱得雨三寸各處已耕地畝約有十之六七今雨後更得及時翻犁佈種秋麥更喜利秋薅

雨

九月十六日

彌月闕甘澤殷殷望久懸雖云稔今歲

今歲畿輔秋收計九分有餘惟

關外八月以後秋雨畧闕雖近京及畿輔約有三寸餘
雨終欠十分優渥今霜降雨過得此甘澍應可及時播
種矣預以計來年過午看雲聚入宵欣雨綿階甃已積
水簷瓦尚鳴泉侵帳涼何礙披衾喜不眠立冬遲十日
播夢想應全

曉行

行宮曉霽啓征鞭山路奚妨作濶連欲駐應遲一日矣
言旋寧順衆情馬輿僮盼站都無覺牲畜奔波亦可憐
畏罪高峯多積雪憑添新景入吟篇

欽定熱河志卷十一